




Vita de ploania y de paisc



De dles uniuns y families dal paisc d'La Pli: ai 4 de merz vegnel metü a jí sön la pista Pre da Peres, le "De dles uniuns y families dal paisc d'La Pli", por nasciüs y residenc d'La Pli, con entratenimont musical.

Ales 11:00 él sön program la **gara dai schi**. Dales 14:00 spo la **stafeta** (3 partezipanc) danter gara dai schi da danmisdé, salté sö pert (a pé, ciaspes, pels) y gara dla lösa. Les iscriziuns ven tutes sö cina les 10:30 tal Furcia Center. Al zenter dal de ne déssel nia tan sté la competiziun, mo le divertimont da passé en de deboriada desco comunité.

1 enformaziuns y termins

Curs: pal KVV fossel la poscibilité da tó pert a en curs por "Bewegungsleiter/in - Bewegung bis ins Alter". An ciafa ince en atestat por tigní enstesc ativitês (Lehrschein). Ideal por porsones dai 25 ai 65 agn. Le curs met man ai 25 d'aorí. Por enformaziuns plü monüdes, telefonede a Lidia Taibon, ☎ 339 7899107.

Sorvisc ai Jogn/1: le SaJ lascia alessei che al é roé ete en fal tla brosciüra isté18 sot al proiet **isté deboriada:** a La Pli sarál endöt 3 edemes de proiet dai 9.7.18 ai 27.7.18 y a Al Plan 1 en n'edema dai 13.8.18 ai 17.08.18. Sön la plata dles iscriziuns www.proiec.org é la coreziun belo gnüda fata. I se scusun por le fal.

Sorvisc ai Jogn/2: le SaJ envieia en dedolönesc ai 27 de forá ales 19:30 tal Zenter dla joneza y dla cultura SaJ.un a La lla ala sera de discusiun dal tema „Motivaziun tal sport y tla vita“. I jogn Luca Pescolliderungg y Maximilian Huber cuntará de söes esperionzes.

Grup Atmosfera: en jöbia ai 1 de merz s'encunta endô, dales 15:30 ales 17:30 tla sonta dal Raiun Sozial a Picolin, le grup de tomp lede Atmosfera por eres y ei atochés da problems psichics. En cösc iade orunse ester creatif y i fajun val de cösc vers y se tolun ince le tomp da s'la cunté empü' adöm con Irina Tavella y Barbara Rungger. Enformaziuns pa Sabine Rainer, ☎ 0474 524519. Vignönn/öna é bengnüs.

Zenter Families Mareo: le ZFM met a jí na "Elternschule" - scora por geniturs con mituns dai 3 a 6 agn. Al se trata de 3 serades de informaziun con la conosciüda referenta Dr. Margarethe Mayr (www.margarethemayr.it), dagnora dales 20:00 ales 21:30 tal salf dla Cassa Raiffeisen d'Al Plan:

pröma sera en jöbia ai 8 de merz: "Te ci monn vir pa mio möt/mia möta t'eté dai 3 ai 6 agn: ci sont y capesc pa mio möt/mia möta? Co se comportel/era pa?"

secunda sera en jöbia ai 15 de merz: "Cares é pa les competenzes y cal é pa le compit de nos geniturs? Ci "Rolle" tolunsepa nos ete desco pere y oma?"

terza sera en jöbia ai 22 de merz: "La mama y le tata é ince era y el - gestiun dla relaziun y cura dal raport".

Se scrí ete anter i 4 de merz pa Helga, ☎ 333 2181049. Le cost é de 30,00 € a genitur o 50,00 € a per por soci dal ZFM, por i nia soci dal ZFM 35,00 € / 55,00 €.

Döt le bun a: Angela Erlacher ved. Terrabona, Al Plan * 26.02.1943

y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

25.02.2018 - Secunda domegna de Carsema

n. 13

Fora dal nio lominus aldîn la usc dal Pere: Cösc é mio Fi bunorü; ascutédele!

📖 Gen 22, 1–2.9a.10–13.15–18 | Rom 8, 31b–34 | Mc 9, 2–10

Dal Vangelo do San Merch:

Te chel tomp ²á Gejú tut Pire, laco y Jan sön na pert y i á condüt sön na gran munt, mo ma ei susc. Y al é gnü trasfiguré dan da sü edli; ³sü guanc é gnüs blanc raionc, tan blanc che degün lavadú söla tera n'é bun da i fá. ⁴Danló é aparí dan da sü edli Elía y con el Mosé, y ai baiâ con Gejú. ⁵Pire ti á dit a Gejú: Maester, al é bun ch'i sun atló. I orun fá sö trei üces, öna por te, öna por Mosé y öna por Elía. ⁶Mo al ne sâ nia ci ch'al se dijea, ciodich'ai ea döt amatís dala tema. ⁷Spo él gnü n nio co á lascé tomé söa ombria sön ei, y fora dal nio cherdâ na usc: Cösc é mio Fi bunorü; ascutédele! ⁸Canch'ai â spo ciaré encerch, n'odei t'en iade plü degügn pa d'ei ater co Gejú. ⁹Dertan ch'ai jea jö dla munt, ti ál proibí de ti cunté a zacai ci ch'ai â odü, cina che le Fi dal Om ne n'ea ressorí dai morc. ¹⁰Cösta parora ti dea da ponsé, y ai se damaná önn l'ater ci che cösc dea ester: ressorí dai morc.

Oraziun dal de

*Periun! Bel Dio, tö nes as racomané de
ascuté to Fi: nodrescesse con töa
parora y purificheia i edli de nosc spirit,
ch'i sunse bogh da conesce töa gloria.
Por nosc Signur Gejú Crist, to Fi, co é
Dio y vir y regneia con te t'unité dal
Spirit Sant por düc i secui dai secui. –
Amen.*

(Lezionar B)



📖 Letöres dla Terza domegna de Carsema:

Es 20, 1–17 | 1 Cor 1, 22–25 | Jan 2, 13–25

Edema liturgica dai 25.02. ai 04.03.2018

DOM 25.	Secunda domegna de Carsema <i>Walburga, Adeltrud</i>
08:30 10:00	gran messa por dōta la ploania <i>oferta por i debojūgns dla ploania</i> s.m. a Al Plan
Lön 26. →	<i>Ulrich, Metilde, Ottokar y Adalbert</i> de d'oraziun personala y te familia
Ded 27. → 07:45	<i>Marchward, Iulian</i> s.m. dai scolari por † signor Merch Graffonara, ploan s.m. por † Carlo Erlacher, Craizer
Dem 28. → 19:30	<i>Roman, Silvana, Oswald, Antonia</i> les Staziuns con la Joneza
Jöb 01. 19:30	<i>Albin, Davide, Teresa - de d'oraziun do vocaziuns</i> s.m. dai scolari dla mesana por vis y defonti dal Cargá s.m. por † Notburga Agreiter Pedit, Meghita
Ven 02. → 18:45 19:30	pröm vendres - de mondial d'oraziun dles eres <i>Agnese da Prag, Ines, beat Carlo</i> astinonza dla cern signor ploan va a proveder poscibilité da se pissié s.m. por † Jep Palfrader, Mone s.m. por les Püres Animes, funziun al Sacher Cör
Sab 03. 18:00 19:30	<i>Cunigunda, Tobia, Friedrich</i> s.m. prefestia a Al Plan s.m. prefestia d'aniversar por † Maria Ellecosta ved. Erardi s.m. d'aniversar por † Isidor Ploner y por † Anna Ploner
DOM 04. 08:30 10:00	Terza domegna de Carsema <i>Casimir, Rupert</i> de de solidarité por la patronat ACLI-KVW gran messa por dōta la ploania y devoziun a Santa Maria <i>oferta por le patronat ACLI-KVW</i> s.m. a Al Plan
<i>ampola:</i>	por Nese Taibon ved. Erlacher, Cargá
<i>ministronc:</i>	▶ da doman y domegna: Jacklyn Clara y Eliane Pedevilla ▶ da sera y domegna: Paul Comptoi y Armin Elliscases
<i>i recordun:</i>	Maria Anna Ellecosta ved. Erardi + 03.03.2015 Isidor Ploner + 03.03.2012



Splendur divin (Mc 9, 2–10)

I ponsi do

En avenimont misterius y demorveia: Gejú reveleia sōa gloria ai discepui y ven proclamé Fi de Dio. N mister da contemplé y da romagne con bocia daverta. Pire é encanté da ches vijjuns y ne pisimeia nia da lascé odei te na maniera esagerada la gran ligreza ch'al sont da podei vire cōsc momont con Gejú.

→ **I mo toli dant:** da fá na vijita te dlijia, dan l'Eucaristia y da fá n gest de atenziun y desponibilité por le proscimo.

Walter Cazzaniga, Parola amica – Il Vangelo della domenica per ragazzi

I preii ensciö

Con bocia daverta y n cör desponü ponsi ala storia dla trasfiguraziun y prói da mo enmagine co che tū discepui ará vit cōsc momont. Con gran morveia y ligreza mo ince con empü' de tema: ester t'en iade dan da Chelbeldio y aldí sōa usc é n'esperionza co ne ti capiteia nia a vignönn. Gejú, te t'as revelé desco Dio a püc, por i fá testimoni de tōa divinité. Ala medema misciun nes cherdeste ince nos, ciamó jogn, mo fortünés por avei ciefé la scincunda de tōa presenza: tla Parora y tl'Eucaristia, tl'oraziun y tla ciarité podunse t'encunté. Al é bel, Gejú, da sté pa te. Ciamó plü bel él podei cunté y dé ennant l'esperionza de cōstes encuntades.



Stories de Adam y Eva cuntades ai mituns (2)



La porsona adora la tera

Tō es na porsona – nasciüda desco möt o möta. Tō as en pere y na oma, fredesc y sorus y d'atra parontela. Con ei y con dūc i atri vireste sōn cōsta tera y de cōsta tera. Fora dla tera nascel fontanes: ega da bere por jont y tiers, ega da vire por plantes y lens. Döt ci che la jont adora da vire cresc dla tera: blâ, mais y riji, pom y bananes, salata y soni.

Mo döt cōsc ne cresc nia da su desco les trogneres da spines y la zizania: nos messun laoré y se proé por fá garaté plantes y tiers y fistidié che la jont á assá da mangé. Val iade laorunse por nia. Val iade ne vegnel nia plōia y la somonza secia te ciamp. Rio tomp y rogossies, granüjeres y tranüdi pó dejdrü la racoiüda. Enló patesc jont la fan sce d'atri, co é gnüs sconés da döt cōsc, ne partesc nia ci ch'ai á.

Jont damana - magari ince tō: é cōsc entres sté ensciö? O á cōsc dai fistidi y dles fadies, dal avei ligreza y ester encontonc, dal nasce y messei morí en iade motü man? Da generaziuns encá cunta omes y peri a sū mituns dles prömes porsones y co che döt a motü man – dan da miliuns d'agn.

Le stories che le popul d'Israel cunta de Chelbeldio y dles prömes porsones é tal pröm liber dla Sacra Scritōra, tal liber dla Génesi. Cōstes stories é der vedles. Mo deache ares cunta de nos, dles porsones, podunse les capí ince aldedancö.

(va ennant)